



Na write am: Edward Hughes

Na describe am: Janie Forest  
Alastair Paterson

Na match am: Lyn Doerksen

Na translate am: [christian-translation.com](http://christian-translation.com)


Na produce am: Bible for Children  
[www.M1914.org](http://www.M1914.org)

©2021 Bible for Children, Inc.

License: You get right for copy or print this  
tori so far as you no go sell am.




The woman shidon for  
corner hill wit plenty  
noise, wit e pitty eye  
dem di look some  
terrible action. E  
boy pikin be di die.  
The mami be na  
Mary and e shidon  
for corner the  
place way dem  
nail Jesus for  
cross.



Na how all dis one  
happen? Na how Jesus  
for fit just end dis kind  
beautiful life for dis  
kind wowo way?


Na how papa  
God for fit  
leave e Pikin  
for be nail and  
die for cross? Jesus  
be make na mistake for  
the persin way e be?  
Papa God be fail?



No! Papa God no bi fail.  
Jesus no be make any  
mistake. Jesus be know  
say wicked pipo dem go  
kill e. Even time way  
Jesus bin be small pikin,  
some old man way e  
name na Simeone tok  
for Mary say wowo tin  
dey for front.



Some few day dem before  
Jesus die, some woman  
cam pour perfume for  
E foot. Disciples dem  
tok say "E di waste na money."  
But Jesus tok say, "She don do  
na good work." "E do am na for my  
burial." Some kind na wodaful tok dem!



After dis, one of Jesus  
e twelve disciples way e  
name na Judas agree  
for sell Jesus for chief  
priest dem for 30  
pieces of silver.




After way Jews their Passover party finish, Jesus chop the last time wit e disciples. E tok plenty tins dem for dem about papa God and e promises dem for pipo way like e. Den Jesus give dem bread and one cup for share am. Dis one bin be na for remind dem say Jesus e blood and flesh be give for dem na for forget all their bad dem.






Den Jesus tok for E friend dem say dem go sell E,  
and run away. Peter tok say, "I no go run away."  
Jesus tok say, "Before rooster crow, you go deny  
Me three times."



After for dat  
night, Jesus be go  
pray for garden for  
Gethsemane. All  
disciples dem way be  
dey wit e all fall for  
sleep. Jesus tok  
prayer say, "O ma  
Papa," "... Make dis  
cup comot from me.  
Nevertheless, no bi  
dey way I want am,  
but dey way You  
want am."




Just now one mob enter the garden,  
way na Judas direct am. Jesus no bi  
fight am, but Peter cut one man e  
ear. Small small, Jesus toch the  
man e ear and cure am. Jesus  
be know say na papa God  
e will if dem catch E.




The mob bring Jesus for the biggest church man e house. For dey, the head boy for Jew dem tok say make Jesus die. For corner, Peter shidon for corner servant he fire and di look. Pipo dem look Peter and tok say, "You be dey wit Jesus!" Peter deny three times the way Jesus be tok say e go do.




Just after den came a rooster crowed. E be dey like papa God e voice for Peter. And be di memba e about Jesus e tok dem, Peter start for di worry.





Judas too bin be sorry. E  
be know say Jesus nova do  
anything. Judas be give  
back the 30 piece of silver  
but the church man  
deny for take am.





Judas troway the  
money for ground,  
go for outside den  
kill e sef.





The church men dem bring Jesus  
for front Roman governor way  
dem di call e say Pilate. Pilate tok  
say, "I nova see anytin way dis  
man don do bad." But  
the mob be di so so  
shout, "Crucify E!  
Crucify E!"







Finally Pilate give up and tok say  
Jesus go die for cross. The  
soldier dem beat Jesus and spit  
for E face. Dem make some  
wowo crown wit long long sharp  
thorns dem wear am for e head.  
After den, dem nail e for some  
blank cross for die.



Jesus be don know say na so E go die. E be know say E die go bring forgiveness for pipo way di do bad and way be believe for E. Some two criminal dem be dey crucified for corner Jesus. One be believe for Jesus and den go for Paradise but the other one no be believe.



After plenty hours dem way  
Jesus suffer, E tok say, "E  
don finish," den E die. Na  
so E work be complete.  
Friend dem burry  
E inside private  
burry ground.




And den Roman soldier  
dem lock and guard  
the burry ground.  
So no man fit enter  
or comot.



If dis for be na the end for  
the tori, den e for be very  
sad. But papa God be  
do some wondaful  
tin. Jesus no  
bi die!




For sharp morning for number one  
day for the week, one persin  
for Jesus e disciple meet  
up the stone way e don  
comot for the grave.  
Time way dem look  
inside, Jesus no  
bi still dey.



Some one woman be remain, di cry  
for corner de burry ground. Jesus  
show face for e! E run go back  
with gald for tok for other  
disciples. "JESUS DEY  
ALIVE! JESUS DON  
CAME BACK FROM DIE!"





After Jesus came for the disciples, and show dem all wound dem for e hand. E be na true. JESUS BE DEY ALIVE! E be forgive Peter becos e be deny e, den tok for e disciple dem for tok for all man say E don came back. After E go back for heaven place way E be comot.





# The Number One Easter

Tori from Papa God e tok, way na Bible,  
dey inside

Matthew 26-28, Luke 22-24, John 13-21

"When you tok dem di enter e di bring light."  
Psalm 119:130



The End



Dis tory for bible di tok for we sika wa wandaful  
God way make we and way want am say make you sabi yi.

Papa God sabi say we don do bad tins dem, way e di call am say  
sin. Punishment for dis bad tin na die, but papa God like we  
sotey e send e only boy pikin, Jesus, for came die for cross for  
sika our bad tins dem. After Jesus wokop for die den go him  
back for Heaven! If you mimba for Jesus and ask e for forget  
all your bad dem, e go do am! E go cam stay wit you  
just now, and you go di stay with e for ever.

If you mimba say dis one na true, tok dis one for papa God:  
Papa Jesus, I mimba say you be na Papa God, and you  
become man pikin for die for sika my bad dem, and now you  
di live again. Abeg came for inside my life and forget  
all my bad dem, so dat I fit get another life just now, and  
one day I go be wit for ever. Helep me for obey you  
and stay wit you like your pikin. Amen.

Call Bible and tok all day wit papa God! John 3:16

